

vel Medici, alicujus ut malevoli ac calumniatores volvuntur, interierit; sed haec fundi nostri calamitas est, quod Docti ab indoctis despiciantur, ac Medicorum culpa ægri sæpius sime mori dicantur, qui suo fato, vel incuria, vel morborum gravitate pereunt, unde cavillationes has & calumnias contemnunt Sapientes; Sufficerit mihi Casum hunc morbi difficillimi, à Professore communicatum, pro viribus elaborasse; agnosco facile hoc accuratius & doctius fieri potuisse, sed mihi juniori Medico, dum brevis esse studui, si forte erravero, aut non satis erudite rem pertrahavero, aliquid condonandum censeo, quod & Benevolos Lectores facturos confido, siveque Dissertationem hanc, atque casus hujus resolutionem,

F I N I O.

COROLLARIA ET ANNEXA.

1. *Sine notitia fabricæ corporis humani nemo Medicus rationalis dici posset.*
2. *Anatome Artis Medicæ & fundamentum est & decus.*
3. *Inspectionem urinæ Medico Practico necessariam esse, imo & aliquando signa prognostica ex ea dijudicari posse, defendemus.*
4. *Lienem non solum non inutile viscus, sed quoque ad vitam sanam continuandam summopere necessarium esse statuo.*
5. *Somnus per se post venæsectionem non malus.*
6. *Venæsectionem & in puerperis & in senibus administrari posse assero.*
7. *Venæsectio prima non semper liberat à magno morbo, vel morte, ut vulgus credit.*

8. Repetitio

8. Reperitio purgantis, primo non operante, mala.
9. Laxantia in febribus exanthematicis, variolis &c. non semper reformidanda esse credo.
10. Rad. Valerian. Sylv. visum acuere, imo & cecitatem imminentem curare, propria observatione afferere possum.
11. Gummi guttae cum prudentia datum, ut saepe in ascite, sic & in pectoris hydrope est summum remedium.
12. Falsum est afferere, ex mille hydrope pectoris laborantibus vix unum curari.
13. Manna in Hydrope pectoris nimis iners & debile est remedium.
14. Ut & potiunculae ex senna, rhabarbaro, similibusque, cum ad durum nodum durus requiratur cuneus.
15. Cum non omnibus hydrope pectoris laborantibus convenient purgantia, post ea maxime efficacia sunt diuretica.
16. Theriacam, ex calidis & opio constantem, in febribus petechialibus, variolis, ac plerisque exanthematicis, damnosam esse credimus, cum GUALTERO HARRIS.
17. Vomitoria fortiora in pleuritide inflammatoriâ dubia & minus tuta esse statuimus.
18. Ast emetica lenia in initio variolarum ac febrium petechialium non adeo reformidamus.
19. Poteſt per emetica talia, laxantia, antiphlogistica, antimoniata & mercurialia fixiora obtineri, ut vel nullae, vel pauciores, minusque maligna, erumpant variola.
20. Spiritus Vitrioli licet in malignissimis variolis à SYDENHAMIO laudetur, summa cum circumspectione, ac dose refracta in iis tantum concedendus est.
21. Cortex Peruvianus aliquando hectica invalescentis potest esse summum remedium.

F I N I S.

Laus